

沈觀齋詩



Digitized by the Internet Archive
in 2010 with funding from
York University Libraries

沈觀齋詩一冊

沈觀齋詩序

有明末葉竟陵胡石莊先生爲一代醇儒所著繹志士林傳誦其菊佳軒詩集茹唐涵宋外栗中堅爲明末之一大家有清末葉天門周少璞先生翰苑清才著聲臺諫出膺疆寄籌謨閱偉遭值陵谷寄懷歌詠所著沈觀齋詩爲清末之一大家天門卽明竟陵一邑之內迭產詩人均當鼎革之際同有身世之感蕭條異代各有千秋造物鍾才何其奇也少璞先生開府龍江時弼忝參幕府曾督寫官繕錄先生詩卷二冊流播海內後閱十餘年先生自輯近作都凡六冊經樊樊山左笏卿沈子培三先生審定圈識眉批總評言言真摯友誼

之篤世無倫比樊左二公詩名遍天下沈公學識精深奧博
皆不輕許人獨於先生之詩推崇備至可以定先生是集之
品題矣先生令嗣伯桓仲超諸昆仲謀刊先生遺集猥承商
榷弼意先生詩稿手自編訂皆愜心之作就原鈔本景印無
俟後人之纂輯其善一也經樊左沈三公之評定其善二也
存諸家之真蹟其善三也見老輩之交誼其善四也省手民
之訛奪勘校之繁瑣其善五也先生政事勛猷設施未竟間
嘗語弼一生志事盡寓於詩予知我者異日爲我識之斯言
猶在耳也先生海上諸作忠愛之忱幾於杜陵詩史閱世愈
深而詩愈工與石莊之古色爛然不食人間煙火者後先媲

美各有獨得之奇同爲楚風之最者矣或謂先生眷眷故君
卽宜蕭然世外終老義熙之年胡僕僕風塵回跡都下不免
爲賢者之玷奚以解世人之惑不知政體旣殊開數千年未
有之局自不能以往事相繩爲國宣勞與效忠一姓者不可
同日而論況籌安議起拂衣而去吾道不行飄然海上出處
進退磊落光明鴻鵠高翔安能爲不知者道哉先生晚寓舊
都卜居城北園亭幽爽頗饒山石花木之勝歲時佳日樊左
諸老互相過從主賓酬唱文讌極歡今日展讀遺篇猶彷彿
侍坐泊園樽酒縱論之時惟是先生以經世宰物之才未能
發舒其閎願乃託情於美人香草以寫其邁往凌厲之孤懷

竟與二三耆舊終老詩人後之知人論世者當亦爲先生寄
無窮之慨也先生少年與羅田姚彥長及家兄木齋同肄業
經心精舍同爨而食交最莫逆先生與家兄又同舉於鄉姚
先生治經史學著述繁富無殊乾嘉經師家兄顓精疇人之
業爲梅定九李壬叔一流人物先生則殫力文辭莫年詩篇
不啻東坡臨川三人治學雖殊而各臻絕境皆足以傳世而
不朽獨是弼曩時妄不自量遠徂邊荒銳意於事業功名不
遑學問中歲以後人事牽率窮年握管一無所成有負先生
之知遇讀先生遺稿不禁慚疚之交縈也癸酉十二月後學

沔陽盧弼謹序

沈觀齋詩

天門周樹模孝甄

虎爪筍產浙之天目山客有以此見餉者因分貽
季端同年猥枉佳篇意義深美媿歎不足賦此

奉訓

荔支瑶柱各甘腴。至美無如竹味殊。料得春雷初
坼甲。隱然三日見於菟。

侈說南庖筍菜豐。偶拈詩句似涪翁。銷金羔酒豪
奢甚。豈識清貧老可風。

蘆酒邊城博一醺。分無千畝比封君。故人與我同
酸醢。下箸惟宜取醋芹。

朔漠羶漿亦強歡。南來鮭菜喜登盤。此心何用生
分別。羊酪蓴羹等一餐。

秋日泛舟嫩江有賦

南人狎江湖。有行必具舟。朔方地廣漠。塵土疲車
牛。自我落荒徼。久輟山澤遊。澄江帶西郭。水至常
以秋。今晨忽乘興。來尋沙上鷗。岸馬遠莫辨。屯樹

事外遠致著此十字
實處皆活

七古最難最難此是
與將軍魏老之子孫
及將軍族貴兵且強
二詩相抗

青仍稠。飄輪引酒舫。擊櫂忙黃頭。轉眼失樓市。過
隙追驂騮。恣意取一快。風帆何當收。吾廬在楚澤。
耕釣隨所謀。餘艖弄煙水。長鬣為匹俦。茲遊可當
踈。舉白先自浮。

登藏書樓

尼堪底定東土闢。康熙寔始作都邑。種落雜廁風
俗陋。強弓惡馬人能習。性安湮。毳老窮穹廬。白首
不覩漢圖籍。二百年來時事改。文軌遠通天北極。

靺鞨已置新郡縣。銅墨仍增舊官秩。采風士漸解。
絃誦。諷籀人皆通法律。蓬萊石室渺難求。北學幾
人牖。窺日突兀何期見此樓。比堂千頃閣天一積
軸。居然充棟宇。標籤差可排甲乙。但許日讀盡百
篇。亦如飢人得美食。當時藍華乍開山。豈料漆書
今滿壁。天運無心自旋轉。地氣由此殊通塞。吾衰
廢學疲吏事。振起斯文知無力。魯叟煙霧世所譏。
窮經未識經濟策。欲益神智在讀書。不智終竟為

人役我欲更為章句小生發墨守相與寶書陳百
國

秋懷

塞雨闌雲黯不收。一年難遣是清秋。園花落盡人
遲暮。梁燕踈飛客久留。百事蹉跎悲去日。孤懷慘
澹為神州。高寒欲近褰天月。不惜宵深更倚樓。

聞雞

精思起草竟何成。颯沓秋霜滿鬢生。夜枕微涼堪

穩睡老雞多事忽先鳴

聞笳

落照平沙雁兩三。軍中鼓角暮方酣。聞笳遠過居

延塞。此事偏能傲劍南。

放翁冬夜聞角聲詩云自憐到老懷遺恨不向居延

塞外聞

郡縣多求代者書示一絕

手將符檄犯邊塵。衰草巖風氣不春。作吏漫云艱
苦事。海濱鹽雪更何人。

感事

大漠秋風動古悲。篋中羽扇正捐離。烏驚魚爛成何世。綠轉黃迴未有期。要識治安關政本。難將法令救時危。楸枰黑白須臾變。著手還爭劫後碁。

讀老子

東家低首拜猶龍。原與吾儒共一宗。驕色矜心除略盡。絕人谿徑只平庸。

晨起散步院中

早寒鳴鶴下寥空。驚起悲秋塞上翁。雙鬢已從前
歲白。孤花偏向過時紅。歸心鬱勃隨邊馬。老境侵
尋怯曉風。我自獨吟無和答。何來淒切草根蟲。

兵動

兵動何時定。秋聲亦已寒。守邊令我老。遇變覺才
難。樸鈍無多算。憂危豈一端。潢池方擾擾。且莫事
烏桓。

絡緯

霜寒已及授衣天。恰有蟲驚嬾婦眠。嗟汝豈知蠶織事。何因聒聒向人前。

八月初三日往農業試驗場觀秋稼

秋高天地清。吏散門館暇。東郊有大田。可以稅吾駕。廣袤盈百畝。橫從作方卦。越陌而度阡。部居費區畫。菽麥類自分。蒲蘆名非假。薑芋各異畦。豆瓜或連架。黃明向日葵。綠挺成陰柘。蓼花何亭亭。妖紅驚矜姪。姁姁落實苦難期。披華終易謝。首宿西域。

來。搏。桑。東。海。跨。竹。醬。道。久。通。茶。黃。市。未。罷。木。棉。煖。
過。絲。蒲。萄。甘。逾。蔗。奇。花。垂。瓔。珞。珍。果。覆。巾。帕。草。木。
等。附。庸。五。穀。斯。堪。霸。非。種。意。所。嚴。異。地。材。須。借。築。
舍。召。諸。生。專。家。學。圃。稼。野。老。誦。遺。書。場。師。究。土。化。
大。藥。蓬。萊。山。早。訶。方。士。詐。獨。有。齊。民。術。平。實。無。漏。
罅。重。農。萬。國。同。博。取。利。乃。大。積。粟。高。晴。雲。黃。金。視。
土。價。躬。耕。第。一。流。灌。園。抑。其。亞。儻。得。釋。簪。組。便。當。
親。耨。耜。往。從。田。父。遊。庶。解。好。官。罵。騏。驥。病。久。羈。銜。

擬易作三至下

轡思脫卸場中老榆樹。吾已三至下。清陰覆古井。
餘地草可藉。鬱蟠得氣深。擁腫蒙天赦。宛然不死
仙。相對可晨夜。屢舞惜婆婆。頻來堪怪詫。翦拜戒
後人。保此勝臺榭。

課兒夜讀

終朝塵牘蔽昏睛。夜課兒書眼轉明。雪案雞牕懷
往事。忍從牆角棄鐙檠。

樓頭早興

浩浩同聲市與鴉。誰從塵海識津涯。高樓臨塞非
吾土。老樹垂陰過別家。忍受風埃憐破帽。安排詩
句入悲笳。昨宵寒重霜初降。瘦盡荒園百本花。
園中種菊及秋不花感歎成詠

北荒罕佳卉。秋菊難一遭。移根自南土。苦被邊風
撓。課童勤守護。井汲或自操。一日必一溉。稍見枝
葉高。心祝開數朵。相看持兩螯。寒勁萼不舒。終竟
蓮實韜。安得天意回。答此人意勞。古來數愛菊。莫

先屈與陶我無屈陶意歌詠皆皮毛何況菊亦無
詩句焉能豪

乍雨

乍雨旋晴後將霜未雪時嫩黃林杪葉
衰白鏡中絲
沙闊明駝少鄉遙去雁遲寫懷成句法不是為
吟詩

少日

少日英英颯爽姿老來所得是支離
朝開暮落花

何限。秋去春來燕亦疲。指點楸枰須國手。雜陳方
藥是庸醫。治安政自無多策。著意蒼生論豈卑。

龍江秋日雜詠

塞上秋風不負吾。却因涼冷得清癯。加餐況有南

庖味。縮項鰱魚巨口鱸。嫩江鰱魚似鱸而肥

如帶澄江繞郭來。成圍衰柳映亭臺。餓鴟叫處飛
塵起。知有蕃兒獵騎回。

嶺樹經秋色半黃。餘青猶足壯邊牆。長林環繞城

風調近似石湖

三面不獨揚州有綠楊

賣卜先生早閉簾。補衣寒女綫方拈。泥牆土室牕
三面。一夜清霜已戒嚴。

納窖瓜蔬翦刷齊。專車捆載向寒畦。窮荒那得冬
生菜。要辨冰天百甕藟。

關月相隨劇有情。哦詩叉手對孤明。何人夜半飢
求食。樓下猶聞賣餅聲。

強進羶帷酒一鍾。思量缺事有重重。既無菡萏容

消夏亦少梅花伴過冬。

歲晚滄江只夢思。茫茫廣漠更何之。龍蛇已蟄繁
霜下。正是衰翁縮手時。

書感

老謀壯事各蹉跎。遲我滄江一釣簑。寒地魚蔬慚
晚食。暮雲笳鼓助悲歌。將金擲北吟詩苦。種樹成
陰費日多。五嶽胷中平不得。忽焉蕭瑟忽嵯峨。

辛亥中秋

自入邊城雪滿顛。月華猶作少時圓。南飛有鳥巢
安否。西笑逢人意惘然。海水枯桑思遠道。瓊樓玉
宇記何年。煌煌幾點明星在。共影同光向斗邊。

中秋晨間雨雪至晚更晴

窗暗閤晨光。天黃疑病色。急雨瓦溝鳴。雪花俄傾
白。龍公有底忙。兒戲作冷熱。地寒乃至此。關塞從
古黑。童輩猶口噤。何況龐眉客。敗葉挂蛛網。餘怒
風未洩。黠黠八表昏。日車挽無力。所懼夜魄光。橫

遭妖蠹蝕九關。叫不開。蟣臣空。雨泣。儵忽天容改。
愁雲埽深墨。白地遍明光。冰海融。北極煮餅酌凍。
醪。登樓聽羌笛。

醉中放歌

少小弄紙筆。如蟲蝕木偶。成文長大戰場屋。盪決
突過蒼頭軍。著書作賦逞才調。壯悔豈聞揚子雲。
中歲執鞭慕管樂。欲起伏龍共商略。漢儒議禮晉
談元。此輩分當東高閣。振巾搖扇志澄清。了卻世

事無多著。持此安歸。且漫遊。外窮裨海內。齊州歸。
來冠劍倚閭闔。金井葉落梧桐秋。蛾眉蕭颯見王
母。銅仙淚下不可收。適吳去。醉京口。酒出塞。更賦
榆關柳。桃梗土偶岸西東。猛虎貪狼門前後。言雖
或中。只平平。事不如意恒八九。鶉首翦秦豈非天。
猿臂不侯亦偶然。我無吹毛一寸刃。赤手徃徃遮
蜿蜒。雪茹冰餐不自惜。椎牛饗士官無錢。平生大
志堪絕倒。無功坐向塵沙老。風霜慘澹顏色枯。刺

天羣飛毛羽好。紛然博場賭一擲。韃非汝拙盧非巧。嗟哉大巧乃大愚。人間何者為真娛。第一埽除心地淨。次則歸理田園蕪。報家早作歲寒計。後圃為植梅千株。

食蟹

塞翁鬢禿顏色顰。自指皤腹宜菟蓀。藜登俎腥羶不下箸。時時菜把求寒畦。汝南長蔬足風味。早韭晚菘無與齊。我厭齋禁喜素食。日膳準擬除隻雞。一

官萬里乃為口。南賈遠致尖團臍。爾雅勸學讀不
熟。蟊螟或恐為禍梯。九江覆醢語恠誕。以人為鮓
心慘淒。吾鄉稻穗珠垂隴。郭索吐沫行田泥。江村
星火漁艇聚。百錢一隻籃。百爭携。吳蟹最肥楚蟹
美。私家食譜從品題。自餘海族雜腥穢。蛙黽豈足
當割剗。龍荒地僻少珍錯。日燔麋鹿傾留犁。今朝
指動得鄉味。洗盤置箸呼兒妻。惜少菊花共卮酒。
且和薑桂收鹽齏。老饕於物已具足。手調不用鄰

家醢

此詩純是蘇

九日一首

叫舜千回首。臨邊四肅霜。祇今悲歲晚。無意對花黃。
忍事仍籌筆。憑高怯望鄉。近武昌兵變會城不守風雲江介急。孰與制飛揚。

壬子春日初至上海寓廬

流轉風波逐海塵。河山舉目尚吾身。殘春祇是煙和雨。近代誰知漢與秦。雞犬因依猶有宅。鼃魚雜

是菊是人是人
是菊自成馨逸

此處山步佳境

還且為鄰。蓬萊水淺群真散。世上今多謫墮人。

十月朔日滬上大風雪

風雪初冬動遠天。飢人寒女各騷然。浪翻江海漁
翁醉。一夕蘆碕且泊船。

仁先齋中有菊名寒水芙蓉者來自京師高秀無
倫。因賦小詩呈仁先。

搖落秋江三兩枝。晚妝蕉萃對明漪。如何世外隱
君子。入坐嬋娟似女兒。

絳闕清都舊有家。多時流浪向天涯。海桑陰下重
相見。此是宣南妙色花。

感秋

千林黃落一衰翁。葉葉清霜葉葉風。薄酒曹騰送
殘菊。斷雲飄泊數高鴻。不堪身世成波靡。自視頭
顱祇雪蒙。守寂閉門諸妄了。耳邊何事遠飛蟲。

寄題黑龍江東湖別墅詩有序

出龍江府東門里許有水泊一周廣數十頃北

直大道互以長橋迤南與農學校接東連中學
堂原野清曠水木明瑟寔為邊城佳勝辛亥秋
初至此徘徊竟日有樂斯邱擬稍葺臺榭用發
幽潛屬王晦如太守董其事度地繪圖經始有
日矣會南中事起予旋亦引疾去遂爾輟工今
年夏涂子厚學使周斗卿廳丞賡續成之工竣
子厚書抵予並附圖五曰續幽篴曰蓼花吟舫
曰春及亭曰懷新亭皆墅中所有其湖心一亭

六詩中佳
此為甲

則留侯子題名以諗來者因為署曰澄觀并各
為詩綴諸圖末還寄子厚亦淇澳有斐不諼意
也時壬子冬仲

邊塵苦污人出郭得清泚好事癖林泉結搆煩君
子邱壑夢想存樓臺隨地起出塞古多悲臨流差
足喜手杯屬鷗鷺菰中人萬里一墅豈得專風聲
常在耳逝川日夜東相與觀止水

續幽篴

難得亭

昔人圖幽風。瑣細盡民事。精妙豈在圖。在識艱難意。面茲數堵壁。欲起鞭牛背。

蓼花吟舫

日為蓼花遊。更賦蓼花詩。吟賞關秘計。賓僚知者

誰

夢溪筆談。瓦橋關北與遼鄰。無關河之阻。何承矩守關。始議因陂澤。瀦水為塞。欲自相視。恐其

謀洩。日會僚佐。泛船置酒。賞蓼花。作蓼花遊。羣公

數十篇傳至京師。人莫喻其意。後遂壅諸淀。

富方略。起草今其時。

春及亭

方春凍不解。維夏始催耕。惜此逝駒景。起為叱犢
行。亭間持盃酒。祝爾室長盈。

懷新亭

北徼號農國。豆麥天下無。多魚更宜牧。隨時得所
須。循隴看芑穎。荷鋤真吾徒。

澄觀亭

擾擾此朝暮。何緣見本心。一泓明鏡開。鑑我肝鬲
深。收視而屏息。為鼓空山琴。

自此以後境日盡兩杭
日以蒼思能入之能生而
神味愈益淡永無莫
測生所至矣

况此是初
發

癸丑上海元日

海天風物眼前新搔首今為隔歲人吉日逢雞仍

避地

呂本中宜章元日詩避此身如蟄忽驚春空

桑留滯成三宿爆竹喧轟動四鄰飲酒讀騷吾事

了醉中肝膽尚輪囷

和胡蘄生丈元日滬上之作次韻

雪後梅枝已半殘微茫春色入毫端人逢漢臘猶

家祭鶴語堯年識歲寒綵勝隨兒花下戲楸枰有

叟橘中看。

丈工亦不輕與人對手

留賓共盡雞樽酒。來日脣

乾恐大難。

泉明甲子晉朝年。何處桃源有別天。雲狗須臾從

變滅。海鷗身世總茫然。吳臺燈市初論價。郢客陽

春要改絃。

予與丈皆郢人

話到滄桑各惆悵。料應清淚落

銅仙。

人日訪左笏老。值其與小妻挑菜田間。持用作餅

其事絕韻。戲為小詩投之。

擷菜歸來共咬春。杜陵詩客本長貧。倘尋黃獨收
蒼耳。莫挽閨中玉臂人。

閒步佛蘭西園有作

歲暮苦陰凝。方春得晴暖。冰泮寒霧豁。寥空色如
卵。當軒結韉鞋。聊用起衰懶。門前砥道平。信足皆
安坦。樓閣疑仙居。巖扃未可歛。樊圃列冬青。梅株
一紅羣。草根綠萌動。生氣潛自轉。觀物意已怡。適
野獲非淺。一日一出遊。不虞腰脚軟。

詩中有畫物
色宛然在目

天又陰

不見曉牕東。日紅吟人兀兀天夢夢。入山五里墮
迷霧。浮海十洲多烈風。射虎斬蛟兩不遂。春花卧
酒誰為雄。披雲我欲一揮手。笑視南榮曝背翁。

案上水仙

五律難得如此起
落之作。煙火人間。點
其自評耶
四十字即四十字
仙夢也

余意愛芳潔。幽花薦古盤。有香入微妙。著水益清
寒。煙火人間隔。衣裳月下單。三閭頗疏略。不以配
秋蘭。

此首刪去何如

見倦心是橫渠事
是明道語

同客飲醉漚齋

春酌沈沈夜漏添。蛾眉捧盃惜纖纖。吾良問舍無
豪氣。客謂超羣是老髯。明道果然看獵喜。幼安何
處學龍潛。酒徒燕市無多在。擊筑高歌故不嫌。

陳散原左竹勿陳仁先枉過寓齋置酒

暮途獲幽棲。草棘甘伏竄。客來叩我門。驚起兒童
喚。不速得三人。足以敵女粲。執手罕市言。論心有
深歎。散原工說詩。根本達正變。行高言乃文。一語

百家貫左陳各有述。予知非河漢。庶幾永夕談。藥
我千日倦。家亦有藏醞。留客能一飯。雲夢足嘉魚。
聶切和作麪。所設有雲夢魚。雖非鯖鮓珍。却荷詩
麪散原頗嗜之。人贊美食詎所逐。舊交惟恐散。醉歸不持鐙。空月

圓一半。

笏老仁先數來過。喜而有作。

春到園林祇蕭瑟。亂餘朋好益情深。青黃豈必殊
溝斷。酬唱聊堪比谷音。野鹿相呼緣得食。海鷗同

玩各無心。義農去遠。窗塵暗。且拭陶公壁上琴。

答仁先和韻

客居常畏人。避聲若磨竄。獨喜見君子。雨晦晨雞
喚。茶薺同苦甘。強顏還笑粲。君詩太古琴。朱絃起
三歎。真賞世則無。流徵聲已變。冥索失前途。回皇
問鄉貫。編詩紀年月。誰復別楚漢。本自耐寂人。高
飛固宜倦。嗟哉禿鬚翁。徒飽殘年飯。青麥生陵陂。
及秋猶可麪。既療方朔飢。畫象豈須贊。期君來共

此。莫。似。搏。沙。散。春。言。吾。楚。賢。論。人。何。止。半。

苦雨

皇。天。長。霧。雨。靳。此。一。朝。晴。庭。樹。鬱。春。意。羈。人。多。苦。
情。牆。隅。新。薺。菜。夢。裏。舊。鶯。聲。漏。點。和。簷。滴。回。環。聽。
到。明。

盆梅

高。潔。宜。林。下。寧。供。世。眼。看。飄。零。枝。葉。損。剪。剝。雪。霜。
殘。尺。地。孤。花。秀。春。燈。小。酌。寒。海。棠。差。可。偶。無。事。薦。

金盤

春感

神山縹緲悵仙居。舊事春明說夢餘。剩有軒窗容
嘯傲。更枯無枯朽待吹噓。堂空去作尋常燕。水濁
難求尺半魚。莫向層樓望鄉國。江天霧雨眇愁予。

上元日感憶

去年此日天津亂。脫身走海來吳淞。到家燈市已
蕭索。招魂翦紙燒燭紅。今年比似去年好。稍有園

一收勇永

共字易得字何如

屋種花草無田思歸為底癡。一邱隨處可終老。
來日月苦催促。長鬚長似緣坡竹。今人何者有心。
肝。我亦對鏡憎面目。面目可憎夫誰尤。滔滔江水
日東流。東流無計挽向西樓外。柳青鶯一啼。
折枝蘭花

浪蕊浮花不自持。湘君窈窕恨來遲。簾帷深處無
風露。戀惜餘香共暫時。

書齋題壁

宋賢集

頗疑堆垛字未免難
為名姝可易否

丈室一天地。庭蕪日埽除。太平資魯論。歌誦到秦
餘。婦解藏家釀。兒能理壁書。吾生如寄耳。春夢忽
遽遽。

同左竹勿余去非至徐園看梅花

籬落逢花笑。口開相將展齒破。蒼苔名姝列屋成
堆垛。倦鶴看人數往來。小有色香殊妙遠。更無言
說祇徘徊。輩流今得隨巢許。樹下何妨醉百回。

間居

沈觀齋

後世難以此病
苦

墜地傷吾道。回天屬阿誰。年光蛇赴壑。身世鳥棲枝。
翦草新開徑。栽松苦後時。閒居有功業。花塢日
哦詩。

江南

丹橘於今忽變衰。早梅誰寄一枝來。靈均恨語蘭
成賦。只有江南最可哀。

約笏老人先寓中看花

右西門外唐園裏。舊日遊人散若星。海上飄零有

吾輩眼前晨夕共窗櫺。歲寒曾與梅花約。酒美初
回竹葉青。好鳥綢繆作春語。相携同到屋頭聽。
閉門

閉門自了家常事。盂鉢今成粥飯僧。園草方生人
不翦。盆花欲落雨如繩。歸田豈信牛能買。供客初
無鴨可蒸。蒙叟逍遙真上策。孰為鳩鳥孰鷗鷺。
雨歎

積雨遲花事。殘梅惜墜紅。沈冥千古意。夢覺一春

中近海輕蛟鱷。編籬課僕童。野畦日凝望。葵麥不勝風。

偶書

北派南宗各自私。濃纖人薄晚唐詩。松心玉性天

難奪。却是冬郎少愧詞。

韓句熾炭一鑪真玉性濃霜千澗老松心

李梅盦易冠服為道士歎仰高行贈詩一首

編髮謂殊風。斷髮甯本俗。裸國困大禹。莫避鉗奴辱。毀裂到冠冕。茲事胡太酷。適越資章甫。吾見歸

匍匐之子脫籠筭。永懷塵外躅。簪髻加以巾。韞履
自結束。不受世法拘。草草還初服。和光混人羣。苦
意念骨肉。稍得賣畫錢。十口共饘鬻。沈寂守窮巷。
僂俛安詰曲。姦怪謝時人。完此未彫璞。

雨後望遠

煙景吳天畫不成。瀟瀟水閣尚餘聲。溪禽喚客泥
猶滑。原草因春綠又生。鷗鷺滄江波浩渺。鶯花故
國夢分明。空亭野史今零落。更有何人識此情。

隆裕皇太后挽詞

萬壽調於莊嚴
叢儂音在縹緲
吉寧后妃挽詩
無此沈應之作

銖衣侍女捧雲鬟。撒手璇宮一夢間。玉食合居化
人國。雀飛應念紇千山。兔葵燕麥迷池苑。苦雨酸
風入珮環。海水成桑凡幾見。丹輶今已隔塵寰。
經唄西僧各誦持。南齋例進有哀詞。何人特筆書
正月。此日徽音動四夷。眼見觚棱金爵下。傳聞車
駕噓鸞移。諸賢元祐今安在。淚灑荒原麥飯時。
晚至靜安寺

過盡油幢士女車。斜橋西去轉幽遐。提壺不醉市樓酒。委轡來尋蕭寺花。野屋青黃叢老木。遠天紺碧帶餘霞。倦歸恰是收燈夜。稚子迎門一笑譁。

野步

舊日溪流映柳條。今看斷板失長橋。顧家宅外高低隴。恰有春風扇麥苗。

予所居舊名顧家宅。今法人埋溪水為馳道矣。

階下落梅

勝韻須從寂寞求。埽空朱白更清遒。寒英帶雪黏

苔石不似桃花逐水流。

自題照象

徑寸光傳阿堵神。蛇蜩看是蛻餘身。北山久厭塵容客。東海難尋玉貌人。燕頤虎頭堪自笑。寒灰枯木可能春。故應人我空諸相。靜夜寥天轉月輪。

獨酌

一觴寧可解千憂。丹訣無能救白頭。秋菊春蘭雙秃管。盲風怪雨一虛舟。清冷有水故堪飲。廣漠無

山何處遊獨與梅花同向壁冷香拂拂過茶甌
園中口占

小松出地具龍性脩竹搖空作鳳聲
突兀眼前看有此先生义手報詩成

笏老和韻輒至三五疊詩以調之

賣驢博士券三紙咏馬拾遺詩幾篇
莫漫尖叉鬪奇險苦將梯棧日鉤連
累凡至五神猶定中鳥疊
隻妙不傳聞道今晨方穩睡
驪珠知已得重淵

拿翁得此可以
無憾

題拿波侖畫象

意氣真如捲地潮，百年眉宇見稟姚。
鞭笞海族蛟龍伏，驅遣神兵虎豹驕。
蓋世雄風雕不逝，窮山淚血鳥來朝。
平生惜少輪臺悔，埋骨荒崖恨未消。

題舊藏山水畫

不成董巨不荆關，枯木寒巖屋間_數煙墨祇今銷。
蝕甚何人點染舊雲山。

樊雲門前輩枉過寓齋留飲有詩見貽次韻奉答

外少待月已本色
紀兒輩索人此比

為訪梅花過遠村。停車披草意真醅。放懷寥落星
稀夜。低首高寒玉立身。擊石翻成皐羽慟。傳杯共
瀉洞庭春。相携洗耳吳江水。已有微波漾麴塵。
同胡蘄丈余壽平兩中丞林貽書學使樊園看梅

花和樊山韻

間中有味徹中邊。拄杖無須挂百錢。晚歲遭逢人
境外。行窩安樂早春天。寒宵與鶴同清夢。暇日鞭
鸞逐散仙。花不累人詩却累。難將一集了長年。

來

詩有甘被梅花累十年之句

小隱

小隱妨人識姓名。閉門猶厭過車聲。園花發未鸝
三請野草青時犢一鳴。愁裏自斟粥面酒。老來怕
食膠牙餠。尋師無事往東海。松竹滿窗移我情。

寓齋書懷

收身向蘧廬。洗足日敷坐。居海值路窮。入甕忘天
大。繫葦豈云堅。食薇差免餓。獨室振哀絃。舉世知

幾和遐哉度遼人。自狀平生過風船。得止泊樓榻。
容坐卧。歲時親祭饋。拜起容無惰。窺園能任杖。澡
水不受浼。禮讓化鄉人。清風激頑懦。我乏潛龍德。
敢承昔賢唾。遯跡實可悲。偷生焉足賀。行不離輜
重。酒鎗間茶磨。丹黃滿屋書。刻意蒐殘破。欲通鬱
結懷。恒以詩自課。急節發商聲。狂歌雜楚些。身隱
焉用文。束藁戒勿播。

正月晦日大風雨雪

怪聲忽發風震屋。坤軸吹折日車覆。天公作劇駭
世人。俄頃飛花滿坑谷。檐牙懸冰井眉凍。詩客肩
聳形骸。何況道路操瓢人。無衣其免妻兒哭。于
嗟汝哭天不聞。乘酣騁怪作翻雲。麾斥玉龍戰原
野。敗鱗殘甲徒紛紛。大道挽車眯牛目。平沙列幕
瘖馬羣。瑤臺咫尺不可見。荒忽下降雲中君。是時
正當正月尾。柳條綠蘸吳江水。廣衢飛輪碾麴塵。
日暖風和人意喜。昨暮準備卸吳綿。不道崇朝寒

至此山川縞素一色同。絢爛何日千紅紫。天道變
幻匪易測。風角星經終妄耳。海桑陵谷倏忽五千
年。雪異風災或者流傳仗詩史。

二月朔雪和樊山韻二首

蓬萊宮闕皓如銀。白地明光淨點塵。自向廣庭看
積素。不知何國有長春。同時飄絮蹤難定。前度探
梅路可循。忙把朱幡圖日月。惡風愁煞護花人。
當年青鬢化為銀。閱盡河沙與海塵。躡足鄧林無

返照垂頭黍谷待回春。苦寒高士甘堅卧。窮蹇詩
人有例循。白雪清詞誰解和。國中從古愛巴人。
余舊藏程君房墨半挺。亂後久失所在。忽於篋中
得之。喜而有句。

古篋蛟龍暗不開。誰從搜索向塵埃。一朝舉玦露
顏色。烏有先生歸去來。

久陰

一室天長夜。幽居鳥不鳴。散懷吟汶社。合眼夢春

明雲有淒涼色。風來怪嘯聲頻頻。窺屋角萬一見新晴。

早起作

曉夢破街車。驚定聞鳥嘯。春聲落吾枕。甘寢安足戀。振衣闔戶牖。坐閱景物變。飛雨海東來。滄涼日不見。蜃氣彌太空。隱隱金碧眩。大陸起龍蛇。轉頭失露電。一榻樓上人。高視意亦倦。起滅萬古塵。飄瞥無留眄。寸心寒又槁。何術回蔥蒨。百憂紛來攻。

新後

勝之以不戰

雨

春分過雨過半○寒意不能收○惘惘樓頭夢○涓涓屋
上流○埽門餘馬跡○孤坐尚羊裘○赤脚走相告○晴光
動瓦溝○

幽棲

無多花石足幽棲○揚子江東黃浦西○蟻穴侯王俄
頃夢○燕巢風雨一丸泥○流觀山海知天大○招手漁

領聯兼引宋元

樵與物齊聞說前村富桃柳春晴準擬一扶藜
同蘄老過竹勿寓齊次日竹勿以詩來和韻二首
入世真如作繭蠶解歿惟我與君堪神山合讓仙
靈集煙島微聞海客談紉佩芬芳宜楚澤著書留
滯等周南白頭高卧渾無事好約寒僧共一菴
放翁休說再眠蠶中散何曾七不堪已得國能猶
故步為探佛理更深談栗囊有意欺方朔柳樹無
端憶漢南細字殘年書日記丹鉛知己過升菴竹

勿所寫日記甚精

貧家詩

眼前景別有會心此種
惟簡齋集中有之

著色張王

蓬頭陋巷女。鼻涕誰家兒。左手把屋茅。右攀枯樹
枝。持歸作薪獻父母。猶可一炊熟粥糜。不知粥糜
從何得。百錢難買米升合。政使米賤無一錢。夜黑
空對瓦盆泣。大道朱樓酒肉香。美人獻舞客飛觴。
微風動搖珠玉璫。回眸一笑春滿堂。酒闌歌罷燈
光白。密者繁星明者月。只照蛾眉時世妝。不照貧

人一毛髮

同笏老仁先野步

實地容安步。溪回不覺遙。前行無轍跡。歸路入蕭寥。
古冢青連屋。溪流綠過橋。無由釋幽悶。果茗一
相招。

和笏老春郊同游疊蠶韻

筆底先聲食葉蠶。詩中為對我何堪。庭前鶴立休
教舞。窗外雞馴可共談。稍待花開歌陌上。却因草

夢酌詩
進愈上

以下三首亦唐

宋實非唐非宋月事為沈觀之詩

長憶江南暮年只得朋簪樂不厭頻過老學菴
再答笏老

搜詩恰似吐絲蠶蘭燼膏銷詎可堪烟海文章尋
聖處庭階風月稱清談筆鋒所向人皆北謂笏老
履跡相隨道已南苦學涪翁無硬語惟應槁木可
名菴山谷在戎州居南寺作槁木菴

春寒

無處覓春色煩憂埽不開疾風驅海走苦霧入窗

來劫後花仍病。天涯夢未回。安身何計策。清坐畫
爐灰。

夢境

夢境波重疊。元無起滅痕。孤生餘幻影。一覺見朝
暾。自埽軒窗淨。閒刪草樹繁。春花故寂寂。時有鳥
窺園。

感事

青天浩不極。一墜落深淵。未識操舟者。能收破甌。

不荒荒此白日戢戢萬魚頭。刺有連黿客飛翔看
海漚。

答笏老五疊蠡韻

皮甲空餘蛻後蠡。誰信長風老鶴堪。月裏山河終
幻影。尊前開寶忍重談。雲龍自喜攀韓孟。笙磬同
音間雅南。莫以橫流憂露宿。蓋頭隨處有茅菴。

再答笏老六疊蠡韻

浪跡吳中賦八蠡。空庭樹老我何堪。收帆滄海仍

孤往把酒青春且縱談。期會間鷗來舍北。文章隱
豹落山南。傷心諫草亭前路。夢裏松筠訪舊菴。

浦西春望

無數魚蝦趁早潮。闌紅一舸泊溪橋。東風不省悲
歡事。綠盡江樓柳萬條。

觀常熟翁相國師墨蹟有感

硬盤易作拗枯枝。椎鈍將成菌蠢芝。心手兩忘開
衆妙。多年專氣似嬰兒。唯虞山是以畜之。

四海水枯無渴驥。千金斷楮出航頭。空教索靖傳
書法。說到宮駝一淚流。

展花朝日樊園吟社看杏花歌限東韵

殘梅委地枝已空。却有春花相續紅。何年董奉五
株杏。栽向樊園亭子東。傾城窈窕信絕豔。餘光肯
到頭。白翁薄粉怕和夕露墜。頽顏每受朝霞烘。徘
徊繞樹午至酉。燈光酒暈酣簾櫳。樊山愛客飲文
字。招呼九老來庭中。竹林山王或見屏。商顏綺皓

意境深沈
晁具
炎世
魚父
能毋

避席

后山簡而合為一

紛來同江南春雨滯消息曲江往事何怱怱一花
入眼豈易得荆棘滿地天冥濛吾曹降心就詩事
意適非要詞語工胸中茹鯁快一吐况有好花為
發蒙相約對花勤置酒日隨黃鳥嬉春風

老境

老境如行路經過始自知一筇山曲處
雙楫海枯時夜漏醒殘夢春花發故枝
前塵從斷滅何有未來思

字、號珠玉、

蔣公

齋中卧雨

夢裏不知春去半。畫簾香燼雨如秋。煙村桃杏寒
無語。霧市蛟龍畫出遊。囊括尚餘三寸舌。花開已
白五分頭。門前剝啄訊來客。多是中朝舊輩流。
竹。勿。寓。中。忽。患。物。崇。頻。有。火。發。牀。帳。間。家。人。驚。恐。
遂爾移居戲為詩以解之

先生僦屋徐園東。鄰牆咫尺深蒿蓬。插身才割一
羶地。日夕擁鼻吟其中。累箱堆几有萬卷。甘與螢

妖改魅。何如。

蠹枯書叢。歲歲奴星結。柳車麾之不去。環五窮何
物。老妖計逐客。出此下策。施火攻。出有聲。動屋
角。星星一燭。驚僕僮。家人相戒。無敢犯。謀以跽請
煩而翁。此老倔強。秉直節。山立詎肯卑。吾躬無已
避。去可三舍。一南一北。牛馬風。方今白日走魑魅。
憑城穴社。狐鼠雄。長房失符。墮鬼手。巫覡禳治難。
為功。然犀何取。燭百怪。驅鱷豈在操強弓。亦不汝
殺。不汝媚。蕭然別求一畝宮。儒家於物主。退讓異。

未狂人道

類逼處非初衷。或云道高有魔。覲召此實由精所
通。願將佛經道錄束閣。不更讀。爛睡東窗朝日紅。
詠蘭五首示仁先。以幽居在空谷為韵。

埽地置盤几。得蘭室始幽。風露入深根。叢箭當春
抽。一華與一幹。永日對冥搜。芳溫襲孤抱。清絕不
可傳。窗外微雨歇。光風汎和柔。使我胸中春。盎然
眉際浮。如何屈大夫。只辦作離憂。

瓶水日一易。窗塵日一除。古香埽不落。共命百本

五詩嚴淨明

密結體規乎而

宋龔原則在六

朝寓託深微屬

詞華妙詠蘭

之極軌也

書茲花孕芳菲抑亦書之餘馨烈天使然可佩如
瓊琚引之共清坐不受當門鋤良由臭味合轉憲
顏色疏十日謝賓客垂簾爾與余苟非塵外蹤焉
得同燕居

楊子夢白畫蘭清鄔叟東谷寫竹怪夷隘惠不恭

各自見風槩吾生有蘭癖與楊為沆瀣嗟哉忘年
友久已蛻塵外鄉里縱可歸素心人安在老見滄
桑事身墮微塵界晚芳足可惜聞根終恐壞海濱

守一園手自翦蕭艾

守靜縛兩脚盤辟十步中幽花如枯禪與人鼻孔
同定中微妙香參玩焉可窮木犀示不隱根塵殊
未空何如塗六鑿窈冥天乃通此說然不然一叩
南華翁

衆草久不芳叢蘭故成族寥宇擢孤秀持用媚幽
獨奇芬日在御形穢防汝黷有酒飲亡何離騷差
可讀出門見榛莽吾行苦却曲願得同心人携手

向巖谷待營九畹成。還與杞收杞菊。

向曉夢得鐘鳴何處寺。四句寤乃足成之。

鐘鳴何處寺。徧滿諸天音。更不雜喧籟。因之觀定心。夢中誰省識。覺後一沈吟。久已元珠失。今從故地尋。

早起涉園作

曉日虛廊步屨遲。綿蠻有鳥來催詩。花因雨過添紅暈。樹到心空長綠枝。婪尾漸看春事盡。染鬚休

惹後生嗔。海濱煙月同編管。正我行吟野望時。

寒食日出遊用昌黎詩韵

陳仁先侍御方課炯兒
熾兒讀約與同遊

十日海雨愁花病。新晴諸園遊客盛。老夫隨衆作
遨頭。鬢邊瞥見花枝映。玉女鸞車馭氣來。王孫寶
馬奔蹏競。相逢胡賈賈索嬉。亦有學童風雪詠。春
光駘宕柳絲垂。午日方中人影正。足適忘屨不覺
疲。一歡暫得其許更。我歸居海百不足。賴有舊侶
依同命。陳子況是澹蕩人。斯文取則有柯柄。一鷗

沒波難可馴。羣燕巢屋苟相慶。涉世早已厭同流。
論交還能持久敬。三月心齋入坐忘。當今顏子何
超。夏兩離相從走黃犢。未要人誇小兒聖。論語半
部畧上口。經史一鑪何日併。人師難求今得之。發
揮孝友見天性。國到無賢始曰空。子不知父議尤
橫。寒食故事表臣節。惆悵茲晨淚先進。末俗貴少
賤。老成誰檢遺簪求故鏡。當年新法有翻覆。至今
空懷元祐政。竄身江海夢京洛。掉鞅詩壇張茅勁。

道旁桃杏強顏看。携酒會須尋陶令。

清明二首

飄泊餘生事事哀。夢魂常繞楚江隈。可憐漢水春
難渡。不見龐公上冢來。

一碑猶未表瀧阡。麥飯荒陵意惘然。十載眼枯家
國淚。春風如吼日沈淵。

三月朔日晨起有感

癸丑年剛值莫春。一觴非復永和人。鶯飛草長仍

此景今復見矣

奇語使人不覺
其奇是為奇
錢崖事何足道哉

為客雨晦雞鳴又嚮晨。海鳥何知鐘鼓事。天花早
熾色香塵。世間激鬪紛蝸蟻。贏得林亭自在身。
春仍寒

春衣才試更披裘。三月渾如九月秋。近海樓臺迷
蜃氣。擘山風雨失龍湫。悲涼郢客歌中意。淒切吳
娘曲裏愁。一自堯年聞鶴語。經天冷淚不能收。
雨中移種桃花

閑閑一叟為花忙。買得桃株種短牆。微雨乍能蘇

生氣遠生

至人二字韻

物槁小紅差可破。園荒初從竹外凝清淚。留待霞
邊看晚妝。何處仙源通徑路。生煙漠漠水茫茫。
三月三日樊園社集詩用杜工部麗人行韻

風花眩轉日日新。吟賞乃屬神仙人。夔蛟相憐未
解事。機動自可全吾真。名園置酒逢令序。百花吐

秀煙光勻。山桃數尋與松配。至人能遣天留春。
止

相國簡樊山有
留花數日語 覲皖乍聞出谷鳥。來遊敢歎非時

麟。門前野棠白映髮。海國櫻花朱點脣。青杉紫柏

屹當路丈六忽現如來身。曲水未須絲竹盛。濠梁
已覺魚鳥親。金人捧劍說故事。此例早已開先秦。
樊山游戲具三昧。文采偶露雲中鱗。江河萬古有
作者。雲初九百何紛綸。樊山示近作
傳奇絕妙出手渾脫試
劍器。從風揮灑皆珠塵。坐間殷士足文獻。探懷各
有盈尺珍。貧子燭目詫多寶。自嗟老秃無能神。主
人清約舊平津。是集止相
為主勸客不惜杯十巡。當時
賓館變馬廐。何人更吐車上茵。招手耆英集新社。

樊山集卷之五

同來江上歌白蘋。海濱自古著大老。私第徜徉
仍角巾。山陰禊事循逸少。金谷豪舉輕季倫。願携
尊酒隨杖履。閉閣恐來鶯燕瞋。

野步過賣花者園

久輟躬耕愧老農。相遭園叟語從容。迎門喜接嬋
娟竹。臨水驚窺老醜松。要辦游山幾量屐。更携扶
醉一枝筇。自從過海收帆後。除却尋幽百事慵。

江陵張烈婦詩

烈婦名茝衡為江陵張公復孝廉女嫁同縣戴生戴以瘵死婦身殉

焉

昔見友人作墓志敘
某氏到臂了有刀飛
脫跟底面落標記句
余規重太拙此待只用
袖血二字便將到臂了
活現然上亦猶東坡湯序
二字多括數層去義也
文章豈不由天授哉

連理不孤生。比翼必雙折。物性亮難移。人意豈殊
別。婉婉張氏女。氣秉秋霜烈。幼讀鴟鵂詩。靜專心
如結。出門飾巾悅。女史有圭臬。夫壻嘔心兒。沈疴
綿日月。膏肓詎可瘳。菁華將就竭。不辭剗肉醫。斑
然雙袖血。此時烈婦心。殉夫志已決。但化烏用避。
忍死視綿。懃抽草已及心。所甘惟一槃。兄弟在萬
里。作書告永訣。豈無骨肉懷。痛負恩情缺。託人以

作貞物列女傳大
抵千鼎一味必如此
作乃有出處焉情矣

愛女字字含悲咽。蔡姬戀胡離。攘垢製笄拍。豈如
烈婦操。皎皎儷冰雪。一札了後事。仰藥從此絕。人
道始閨門。茲理漸淪滅。陌路成解后。洧水任蹀躞。
誰能完始終。舍生赴同穴。作詩具首尾。欲為衆女
說。匹婦洧瀆諒。庶補三綱裂。

花下吟

閉戶來春聲。獨吟一鳥和。新種幾株桃。野紅嬌欲
墮。園草轉深碧。昨夜微雨過。行脚四天下。花時今

露坐。

留斲丈看花晚酌。

白髮尋芳暫自娛。小窗斜日醉三晡。鬢霜不埽春
紅暗。一笑新花與故吾。

泊園詩有序

予買宅海上得三畝之園。四周衡宇不屬地。非
甚大。而有虛寥清曠之觀。中治草坪夷坦可步。
花木皆新植。無尋丈者。然亦有青紅掩映。吾廬

期以十年必成蔥鬱不汲汲也因取艮止義號
曰泊園且系以詩

滄海浮一身得坻風波外筮遯无不利小園容我
介。贈答形與影。日夜前相代。乾淨茲片土。衆草不
蕪穢。且坐且起行。了無藤葛礙。亦有四時花。光華
悅眇眇。時或缺盤飧。薺青繞牆菜。此豈不足歟。更
著胃中芥。日暮行不休。小憩斯為快。誰復於憩時。
又不岑寂耐。即云心無住。要識身所在。黃鳥止邱

隅予意已先會。

古風

操刀期必割。百鍊在能斷。穢草忍不圖。彌野成滋蔓。
淮陰一搖足。重輕分楚漢。為問將將人。孰與多
多辨。養虎時饑飽。賦狙設詐變。一朝怒心發。禍機
由此見。謀身失周防。舉世且蒙患。不信市南丸。遂
解兩家難。

春思

霧閣雲牕有所思。何來燕子解通詞。楊花落盡春無力。猶裊橫空數尺絲。

齋中讀書

啼鳥止還作。園花開復墜。春風蘇夢魂。幽吟入獨寐。塞屋滿蘂殘。生活於其內。平生屏百嗜。惟苦詩書累。此累未易捐。深據腹心地。轉幸老多忘。前後失省記。日讀盡百篇。何曾有一字。譬彼哽噎人。不
忘羹哉味。屬餐病未能。聊咽芳香氣。手卷看白雲。

吾自適已事門外有歌哭一酌陶然醉

春暮

料峭奪暄序。蕭寥人不歡。五載踐邊雪。豈識南天
寒。敝裘裊我身。暖暖春已殘。憑高瞰清迥。驚風動
危欄。日墮滄溟底。海霧青漫漫。小園桃與李。花落
紛成團。春去不可留。但有涕汎瀾。美人絙朱絲。挾
瑟為我彈。太息十指妙。豈回百憂端。搔頭市上兒。
被服皆素紬。老矣尚奇服。岌岌高余冠。

猛進深造之處具見於
此篇送君者自厓而反
而君自此遠矣

蹉跎吟

蓄火焚大槐。馳逐汨天和。惟詩止衆止。收心功最
多。冥搜斷百念。縈轉蛛絲窠。鉤深忽有得。游鯈躍
清波。或倚柱而嘯。或嚮壁而呵。花間與竹外。觸處
堪長哦。以此送日月。遑復知其他。誰能把寸膠。妄
意清黃河。老我五字間。蹉跎復蹉跎。

丙辰冬月初七夜歸自城勑酒肆讀竟一卷妄加
評隲得江瑤而大嚼豈非粗人扣槃竭而盲之者
無是處推冀必醉人身中十日復讀一過因記

天琴居士增祥後時并序

--	--	--	--	--	--	--	--

~~scribble~~

